

საქართველოს საზოგადოებრივი ორგანიზაციების მიმართვა

საქართველოს საზოგადოებრივი ორგანიზაციების წარმომადგენლები საქართველოში არსებული კრიზისის გამო მიმართავენ პოლიტიკურ სუბიექტებსა და საერთაშორისო ორგანიზაციებს შემდეგი პოზიციით:

- პროტესტის მშვიდობიანი ფორმით გამოხატვის უფლება აქვს ყველა მოქალაქეს. ამდენად, საქართველოს მოსახლეობის საპროტესტო აქცია სავსებით კანონიერი და შეესაბამება დემოკრატიულ სტანდარტებს;
- ხელისუფლება ვალდებულია დაიცვას მოქალაქეთა უფლებები, მათ შორის - პროტესტის გამოხატვის უფლება. პოზიტიური ფაქტია, რომ ხელისუფლება არ იმეორებს 2007 წლის 7 ნოემბერს დაშვებულ შეცდომებს.
- ამავე დროს, საპროტესტო აქციების დაწყებისთანავე თავი იჩინა ძალადობის ფაქტებმა მიტინგის მონაწილეთა მიმართ; დაუდგენელი პირობები თავს ესხმიან და სცემენ საპროტესტო აქციების ცალკეულ მონაწილეებს. კონკრეტული თავდასხმების დეტალები, კერძოდ, ნიღბიანი, რეზინის ხელკეტებით შეარღვებული პირობები და პოლიციის უმოქმედობა ბადებს ეჭვს, რომ ძალადობა ხორციელდება ხელისუფლებასთან შეთანხმებით. ვარაუდს ამყარებს ისიც, რომ მიუხედავად არაერთი მიმართვისა, არ გამოვლენილა არც ერთი ექვმიტანილი და საპატრულო პოლიცია ძირითადად თვალს ხუჭავს მშვიდობიანი დემონსტრაციის მონაწილეთა მიმართ განხორციელებულ ძალადობაზე. ძალადობის თითოეული ფაქტის სასწრაფო გამოძიება, დამნაშავეთა დასჯა და საპროტესტო აქციების მონაწილეთა უსაფრთხოების უზრუნველყოფა ერთადერთი საშუალებაა ხელისუფლებისთვის გააქარწყლოს არსებული ეჭვი. წინააღმდეგ შემთხვევაში, მიმართვის ავტორები უფლებას იტოვებენ მთელი პასუხისმგებლობა ძალადობრივ ქმედებებზე დააკისრონ ხელისუფლებას და დახმარებისთვის მიმართონ საერთაშორისო ორგანიზაციებს.
- საზოგადოებრივი ორგანიზაციებისათვის კრიზისიდან გამოსვლის მისაღები გზა მოლაპარაკებაა. იქიდან გამომდინარე, რომ ამ ეტაპზე ოპოზიციური პარტიებისა და ხელისუფლების ხედვა მოლაპარაკების საგანზე არათავსებადია, რასაც პოლიტიკური პროცესი ჩიხში შეყავს, მოლაპარაკება უნდა გაიმართოს ორმაგი დღის წესრიგით: მსჯელობის საგნად უპირობოდ უნდა იქცეს როგორც ერთი, ისე მეორე მხარის წამოყენებული საკითხები. ამასთან, აუცილებელი პირობაა, უზრუნველყოფილი იყოს მოლაპარაკების პროცესის სათანადო გამჭვირვალობა.
- საზოგადოებრივი ორგანიზაციები თხოვნით მიმართავენ საქართველოში მოქმედ დიპლომატიურ კორპუსსა და საერთაშორისო ორგანიზაციებს აქტიურად ჩაერთონ ძალადობასთან ბრძოლისა და კრიზისის დაძლევის პროცესებში.

17 აპრილი, 2009 წელი

ხელისმომწერნი:

1. სამართლიანი არჩევნებისა და დემოკრატიის საერთაშორისო საზოგადოება - ეკა სირაძე
2. ადამიანის უფლებათა პრიორიტეტი - ლია მუხამაზია
3. ასოციაცია "სტუდია რე" - მამუკა ყუფარაძე
4. ახალგაზრდა იურისტთა ასოციაცია - თამარ ხიდაშელი
5. გეოპოლიტიკური კვლევების საერთაშორისო ცენტრი - თენგიზ ფხალაძე
6. დამოუკიდებელ ექსპერტთა კლუბი - სოსო ცისკარიშვილი
7. ევროპული ინტეგრაციის ფორუმი - თამარ აბაშიძე
8. თანასწორობის ინსტიტუტი - მურმან პატარაია
9. კავლასიის ქალთა ქსელი - ნინო ციხისთავი
10. კავშირი "21-ე საუკუნე" - პაატა გაჩეჩილაძე
11. კონსტიტუციურ უფლებათა დაცვის ქსელი - ალექსი შოშიკველაშვილი
12. კონსტიტუციური უფლებების დაცვის ცენტრი - კობა ბოჭორიშვილი
13. კონფლიქტებისა და მოლაპარაკების საერთაშორისო კვლევითი ცენტრი - გიორგი ხუციშვილი
14. საერთო სამოქალაქო მოძრაობა "მრავალეროვანი საქართველო" - არნოლდ სტეპანიანი
15. სამეცნიერო საგანმანათლებლო ასოციაცია "მსოფლიო ლაბორატორია" - მზია საყვარელიძე
16. სამხედრო ჟურნალისტთა საერთაშორისო ასოციაცია - გიორგი ცხვიტავა
17. საქართველო-ესტონეთის ურთიერთობის ცენტრი - რამაზ ბახტაძე
18. ფონდი "ღია საზოგადოება - საქართველო" - ქეთევან ხუციშვილი

გაგა ნიჟარაძე - ფსიქოლოგი

იაგო კაჭკაჭიშვილი - სოციოლოგი

ზვიად ქორიძე - ჟურნალისტი

ლაშა ტულუში - ჟურნალისტი